



*Sabtu, 05 Juni 2021*

**Ogen: Kolose 1:15-17**



**Sinasa Lit Guna Kemulian Tuhan**



Mehuli kal kerina tinepa Dibata. Doni ras isina, kuh, saling melengkapi: rubia-rubia ras sinuan-sinuan, matawari, bulan bintang bagepe kegelapen ras suari. Taneh kerah, lau malir, perik kabang-kabang, kerina ngkuhi kiniulin ras keriahen doni enda. I je manusia ibere Dibata tanggungjawab guna mpekena-kenaca. I je manusia nggeluh meriah ras tinepa e. Renungenta wari enda nuriken, kerna kerina tinepa e lit ijadiken arah ras i bas Kristus bagepe guna IA. La saja si lit i doni enda tapi si i surga pe bage ka nge. Kristus leben lit asa sinasa lit e janah IA jine namakenca kerinanan rikut inganna alu payo. Arah kata enda ngatakenca maka Kristus e Dibata, IA lit sope kerina sinasa lit e jadi seh rasa lalap. Enda me pemahamen teologi penciptaan i bas padan si mbaru, kerina tinepa e guna kemuliaan Dibata. Alu bage kita manusia si nembah Dibata e arus tetap njagai, mpekena-kena kerina sinasa lit e gelah tetap ermulia Dibata si sembah ras sipuji kita. Salah sada cara eme njagai doni enda gelah tetap mehuli. Wari enda siperingeti wari lingkungan hidup. Iperingeti maka doni enda ras isina la banci puluh i bas kegeluhen manusia emaka kerina kalak arus ertanggungjawab guna mpekena-kenasa. Kai program si banci iukuri, megati enggo me icakapken nuan batang kayu, ula nambahi sampah, ula nabahi kayu. Payo, i bas wari lingkungan hidup megati kal secara simbolis isuanken kayu tapi turah ntah lang megati lanai bo iperdiateken. Nuate, ula kal kai pe secara simbolis ibahan, tutuslah ateta ngelakokenca. Di kune kita Moria lit i bas bagin siapa pe i bas tugas ras dahinta, ingetlah kiniulin doni enda mbelin ertina guna kiniulin geluhta ras anak kempta. Tapi i babo si enda, kerina tanggungjawab kiniteken man Dibata sekaligus jadi pengataken bujurta man Dibata sabab ibereNa doni enda jadi inganta nggeluh.

*👉 Jaga doni enda tetap mehuli jadi inganta nggeluh*